

醫學從衆

卷五

六

醫學從衆錄卷五

閩吳航陳念祖修園甫著

次男元犀靈石叅訂

孫男

心典敬菴

心蘭之亭

今校字

隔症反胃

隔者阻隔不通不能納穀之謂也又謂之隔食病在胸

隔之間也上焦出膈上口主納中焦並胃中主腐化下

焦別廻腸主濟泌此症三焦失職百無一生丹溪謂爲

胃脘乾枯以四物湯入牛羊乳竹瀝韭汁之類王之薜
氏指爲怫鬱傷肝肝木尅土以左金丸逍遙散六君子
湯歸脾湯六味丸八味丸之類隨症間服易思蘭本此
法以治氣隔晨吞八味丸百粒暮服暢衛湯開導其上
滋補其下多效趙氏以此病多得之五旬以上腎水既
乾陽火偏盛煎熬津液三陽熱結則前後閉滯下既不
通必反於上直犯清道上冲吸門須以六味丸料大劑
煎飲入服可挽十中之一二然以余觀之隔症旣成終
無治法問曰旣無治法豈真坐視其亡耶

修因曰即欲服藥亦不過盡人事而已吾鄉老醫某只

守程氏啟膈飲一湯始服頗效久不增病然而痰火鬱

氣阻逆於上者亦藉為引導也已任篇專取陽明以左

歸飲加生地當歸亦所以開賁門此門開則能納食幽門此門開則

利小便關門此門開則大便潤之法也此數方之意皆助於仲景

大半夏湯之用甘瀾蜜水法而不知仲景取半夏以升

降陰陽藉人參以重生津液復得蜜之滋潤灌漑流通

而阻隔之患乃免程氏以半夏耗液為禁豈知仲景麥

門冬湯及此方之微旨哉

張石頑云古人指噎膈爲津液乾枯故水液可行乾物
梗塞爲枯在上焦余竊疑之若果津液枯槁何以食纔
下咽涎隨上湧乎故知膈咽之間交通之氣不得降者
皆衝脉上行逆氣所作也惟氣逆故水液不得居潤下
之常隨氣逆湧耳若以津枯而用潤下之劑豈不反益
其邪乎宜六君子湯加減挾寒脉遲細者加肉桂附子
挾熱脉數滑者加枳實黃連若噎而聲不出者加五味
子竹茹喉中有一塊食物不下者痰氣也加海石柯子
膈間作痛多是瘀血加歸尾桃仁韭汁童便甚者加大

黃微利之千金五噎丸五膈丸亦可擇用。

按張石頑主於衝脉上逆誠千古灼見亦從仲景大半
夏湯悟出然必謂潤下之劑反益其邪是因具涎沫之
多而拘於見症之陋習也衝脉不治取之陽明故仲景
以半夏降衝脉之逆卽以白蜜潤陽明之燥加人參以
生既亡之津液石頑此論得其半而遺其半也蓋人之
胃中壅積如膏脂者謂之胃陰今因衝氣上逆口嘔出
粘涎卽日亡其胃陰尚得謂滋潤之劑宜屏絕乎余所
以不敢阿好也

人範經曰內經云三陽結謂之隔蓋足太陽膀胱經水道不行手太陽小腸經津液枯涸足陽明胃經燥糞結聚所以飲食拒而不入緘入太倉還出喉嚨人之腸胃一口一便乃常度也今隔食之人五七日不便陳物不去新物不納俗醫強分爲五隔十噎支派旣多併喪其實標本不明是以火裏煨薑湯中煮桂胡椒末已輩撥繼之丁香末已豆蔻繼之雖曰和胃胃本不虛雖曰溫脾脾本不寒此病之所日盛也法當用三一承氣湯節次微下之後用芝麻飲啜之陳莖去而腸胃潔癥盡而

榮衛自飲食自進矣

按此法雖偏而百無一生之症急用之尚有餘望否則逡巡觀望何濟於事

反胃症朝食暮吐暮食朝吐初患者尚可治王太僕云食不得人是有火也食入反出是無火也遵趙氏法以六味丸治陽症是壯水之主以制陽光以八味丸治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達一陽之氣與參朮消補同行十

本不害而脾得盡其所能或吳茱萸湯溫胃籍吳萸以鎮納厥陰之逆氣合參棗甘溫相濟震坤合德而胃得盡其所能而猶恐中土大寒溫補大緩以乾薑吳萸附子輩撥蜜丸俾火化之速復恐燥熱上僭傷上焦絀絀之氣以沙參白朮茯苓麥芽五穀虫甘草自寇仁爲末厚裹於外入以硃砂六一散爲衣使溫和之藥在外先行於上而辛熱之藥由中焦以直達命門熟附水穀續以八味丸收其全功若病勢之甚第以八味丸緩服未免迂濶矣

張石頑云有陽虛不能統運嘔逆便秘用

人參大黃附子攻之即通。瘀血在隔阻滯氣道而
成者代抵當丸作芥子大吞二錢但飲熱湯及食椒
薑輒呃者有瘀血也

診脈

浮緩而滑

沉緩而長皆可

強濇短少

為難治

大半夏湯

方見金匱

啟膈飲

方見寶存易

三一承氣湯

方見時方

按久病與羸敗之人前方未免大峻余用麻仁丸及

高鼓峯新方代之高鼓峯悟王指菴治陽用大黃之
妙融會一方頗爲穩當方用熟地五錢當歸白芍桃
仁麻仁各三錢微微潤之其形體如常卽以前方內
加大黃一二錢以助血藥

加減左歸飲

經云腎乃胃之關關門不利升降息矣關門卽氣交之中天之樞也故腎旺則胃陰

无胃陰充則能食

已任篇曰隔症一陽明盡之子治荆溪潘爾修之隔
用左歸飲去茯苓加生地當歸兩大劑而便潤食進
又十劑而兩便如常飲食復舊蓋以左歸飲中有甘

草則直走陽明以和其中且當歸生地合用則能清
胃火以生其陰胃陰上濟則黃門寬展故飲食能進
胃陰下達則幽門闌門皆滋潤故二便如常去茯苓
者恐其分流入坎不若專顧陽明之效速也

和中腸衛湯

紫蘇梗五

香附醋炒

神麴炒

沙參各一錢

桔梗

連翹去子尖
各六分

木香四分

蒼朮

撫芎

貝母各八分

砂仁三分

生薑三片

以水煎服

易思闡白註云香附蘇梗開竅行氣蒼朮健中貝母
開鬱痰連翹散六經之火撫芎發肝木之困神麴行
脾之鬱木香逐氣流行桔梗升提肺氣沙參助正氣
而不助火此方提上焦之火邪乃火鬱發之之義也
然徒用此方而補兼下之藥雖能解散於一時其火
無水制必然復生而痞滿噎隔之疾恐尤甚於前也
○愚按內經云隔寒閉絕上下不通則暴憂之病也可
見此病多起於鬱結不舒胃氣不能敷布所致張鷟
峰所謂神思間病是也方中雖是解鬱套藥而分兩

多寡氣味配合似有獨得之妙又與八味丸間服所以多效喻嘉言資液救焚湯與八味丸間服亦是此意但救焚湯大涼大降流於奇險不如此湯之平易近人也

五噎丸

千金

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各

人參

白朮

各二兩

橘皮

茯苓

各一兩五分

附子

一枚

右爲細末煉蜜丸桐子大酒服十五丸日三服漸加

至三十丸

五膈丸千金

治飲食不得下手足冷上氣喘息

麥門冬三兩

甘艸二兩

蜀椒炒去汗

遠志肉

桂心

細辛

乾薑炮各一兩

附子一枚炮

人參二兩

細嚥之喉中胸尚熱藥丸稍盡再嚥一丸日二夜二

服七日愈

張石頑曰二丸同用參附椒辛薑桂之類一以肝氣

上逆胃氣不下而嘔噎故用萸橘以疎肝降逆苓朮

以健脾通津一以腎氣不蒸肺胃枯槁而不納故用
冬草以滋肺和胃遠志以補火生土又嘔噎而藥食
可進者頻與小丸調之膈塞而飲食不納者時用人
丸噙之其立法之詳若此可不辨而能諸

吳茱萸湯

方見傷寒

理中湯

方見傷寒

連理丸

理中丸加黃連

八味丸

方見時方

又攷隔食反胃反嘔吐粒米不入之症多係七情不遂

激動其氣氣亂載血上逆菀積方中胃氣阻隔用生鴉
血乘熱飲之取其生氣未離以血攻血直透關鑰引宿
積之瘀一通而出而胸脇豁然此法詳於蘇東坡瑣錄
前輩金淳遠公即韓慕廬東坦俱已驗效推之生鴨血
生黃牛血亦可用

西洋藥方

錦囊秘授

治神隔食翻胃一切痢疾水瀉等症立驗

紅荳蔻

去殼

肉荳蔻

麪裏攪用粗紙包壓去油

白荳蔻

去殼

高良薑

切片炒

甜肉桂

去皮

公丁香

各研淨細末戥准五分